

Efnisorðaráð 41. fundur

Haldinn í Þórshamri við Templarasund, 4. september 2006.

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.
Elísabet Halldórsdóttir boðaði forföll.

Fundarefni: Starfið framundan.

a) Efnisorð safna sem voru sameinuð Gegni í sumar voru flutt í svið 696 og 697. Söfnunum var ætlað að fara í gegnum sín efnisorð og taka afstöðu til þeirra og grisja. Þetta hafa söfnin ekki getað gert vegna þess að sum þeirra eru ekki komin með biðlara og starfsfólk þess er ekki komið með skráningarheimild. Nokkur bið verður því væntanlega á að söfnin uppfylli forsendur efnisorðaflutningsins.

Fundarmenn fóru í gegnum nokkrar færslur sem innihéldu efnisorð í 696 og 697. Ljóst er að efnisorðahugsunin er mjög frábrugðin því sem gerist í Gegni og einnig eru verklagsreglur ólíkar innan þeirra safna sem eiga efnisorð í þessum sviðum. Þetta er m.a. vegna þess að lyklunin er hugsuð fyrir eitt safn en ekki jafn breiðan safnahóp og á aðild að Gegni. Nokkuð er um víddarlyklun, lyklað er á orð sem eru vikorð í Gegni og merking sumra orða er óljós. Það alvarlegasta er e.t.v. að þegar efnisorð eru sótt með F3 þá birtast þessi nýju orð og þetta eykur vinnu við efnisorðagjöf sem var mikil fyrir og hættu á því að þau séu ranglega valin áður en þau hafa verið samþykkt inn í nafnmyndaskrána.

Gífurleg vinna er framundan við að fara í gegnum svið 696 og 697 og afar ólíklegt að söfnunum gefist tími til að fara í gegnum efnisorðin áður en þau hafa valdið skaða í kerfinu, þrátt fyrir góðan ásetning. Ekki er ljóst hvert safnanna ber ábyrgð á efnisorðum þar sem efnisorð mismunandi safna hafa safnast á sömu rit.

Efnisorðaráð mælir eindregið með því að efnisorðum í sviðunum 696 og 697 verði eytt út hið fyrsta, að söfnin fái lista yfir sínar færslur og vinni efnisorðgjöf út frá þeim listum samkvæmt því verklagi sem er í gildi í Gegni og geri rökstuddar tillögur að nýjum efnisorðum sem sendar verði efnisorðaráði og efnisorðin verði jafnframt sett í svið 693.

b) Vinna við eftirlit og leiðréttingar efnisorða í Gegni. Ljóst er af vinnu efnisorðaráðs s.l. vetur og verkefnum sem liggja fyrir, að gífurleg vinna er framundan í leiðréttingum efnisorðagjafar í Gegni. Efnisorðaráði hefur ekki enn gefist tóm til að fara yfir þær tillögur sem settar hafa verið fram í sviði 693 þrátt fyrir að ráðið hafi haldið 25 fundi s.l. vetur. Leiðréttingum skv. ákvörðunum sem teknar voru á þeim fundum er ekki lokið og framundan er vinna við svið 693. Ljóst er að betur má ef duga skal. Efnisorðaráð gerir því að tillögu sinni að Landskerfi bókasafna ráði sem allra fyrst starfsmann í hlutastarf til að sinna leiðréttingum skv. tillögum og ákvörðunum efnisorðaráðs. Ekki er raunhæft að reikna með að meðlimir ráðsins bæti þessari vinnu við skyldustörf á sínum söfnum. Nauðsynlegt er að halda námskeið fyrir þá sem sinna efnisorðagjöf, sérstaklega fyrir skrásetjara safna sem eru ný í Gegni.

c) Framtíð efnisorðaráðs Gegnis. Ljóst er að mikil vinna er framundan hjá ráðinu og það gerir ráð fyrir að þurfa að hittast a.m.k. hálfsmánaðarlega í vetur. Efnisorðavinnan er í þágu allra aðildarsafna Gegnis. Meðlimir hafa mætt miklum skilningi hjá vinnuveitendum sínum, en þar sem þessi vinna er í þágu allra aðildarsafna telur efnisorðaráð eðlilegt að Landskerfi greiði efnisorðaráði fyrir fundasetu eins og tíðkast með skráningarráð.

Fundarritari var Guðný Ragnarsdóttir

Fundi slitið um kl. 16:15

Efnisorðaráð 42. fundur

Haldinn í Borgartúni 37 föstudaginn 22. september kl. 10.15.

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir, Sigrún Hauksdóttir, Fanney Sigurgeirsdóttir og Hildur Gunnlaugsdóttir.

Fundarefni: Svið 696 og 697 og starfið framundan.

Sigrún upplýsti að búið væri að eyða sviði 697, þar sem voru efnisorð frá Flugmálastjórn og Velferðarsviði Reykjavíkurborgar. Í svið 696 höfðu verið sett efnisorð átta náttúrufræðisafna; Landbúnaðarháskólans á Hvanneyri, Landbúnaðarháskólans á Reykjum, Landmælinga Íslands, Geislavarna, Orkustofnunar, Náttúrufræðistofnunar og Veðurstofunnar. Úr sviði 696 hefur síðan verið eytt efnisorðum þeirra safna sem eiga efni sem er mest almenns eðlis. Þetta eru efnisorð safnanna á Hvanneyri og Reykjum, samtals um 6000 færslur. Eftir standa að hámarki 5000 færslur í 696 að mati Sigrúnar, en eftir á að fá nákvæma tölfræði þar um.

Rætt var um þann vanda að efnisorð allra efnisorðasviða birtast þegar þau eru kölluð fram með F3 og var sátt um það að þessu þyrfti að breyta þannig að aðeins birtust efnisorð viðkomandi sviðs þegar F3 er notað, þ.e. efnisorðin yrðu ekki lengur sótt í SUB.

Gerð var tillaga um það aðeins væri hægt að sækja og setja efnisorð inn í sviðin 650#4 og 693. Öðrum sviðum væri lokað. Nauðsynlegt er að fá launaðan starfskraft til að vinna úr tillögum sem settar hafa verið í 693 og að virkja tilvísanir skv. tillögum sem efnisorðaráð hefur þegar gert. Ef þetta er ekki hægt þá er eins gott að gera efnisorðagjöf alveg frjálsa og hætta að vinna í efnisorðum í Gegni.

Efnisorðaráð mun semja bréf þessa efnis sem lagt verður fyrir næsta skráningarráðsfund. Ef það verður samþykkt af skráningarráði, er lagt til að ráðið fái Alefli með sér í lið til að senda erindi til stjórnar Landkerfis.

Næsti fundur boðaður þriðjudaginn 26. sept. kl. 10 í Þórshamri við Templarasund.

Efnisorðaráð 43. fundur

Haldinn í Þórshamri við Templarasund 26. september kl. 10.00.

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Skrifað var bréf til Skráningarráðs Gegnis um framtíð efnisorðavinnu í Gegni.

Fundi slitið um kl. 11.00

Efnisorðaráð 44. fundur

Haldinn í Þórshamri við Templarasund 28. nóvember kl. 9.30.

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Farið var í gegnum nokkrar ákvarðanir í síðustu útgáfu viðbóta við Kerfisbundinn efnisorðalykil 6. júní 2006 og nokkrar endurskoðaðar.

Fjallað var um þrjú erindi til efnisorðaráðs:

- Erindi Ólafar Benediksdóttur í Stofnun Árna Magnússonar um Messusöng og skyld heiti, sem barst á meðan á fundi stóð og var svarað og misskilningur leiðréttur.
- Erindi Árnýjar Þórólfsdóttur í Bókasafni Hafnarfjarðar um Suðurameríska dansa var svarað og efnisorðið tekið upp í kerfisbundinn efnisorðalykil.
- Erindi Berglindar Hönnu Jónsdóttur frá LHÍ um Sýningar og samsetningar á því orði. Fundarmenn voru sammála um það að það væri mjög óhagstætt að lykla rit um sýningar með tveimur efnisorðum t.d. myndlist + sýningar. Eðlilegra væri að nota samsetta orðið myndlistarsýningar þar sem það fellur betur að eðlilegri málnotkun, en þarna stangast á hagkvæmnisjónarmið og notkun á efnisorðastaðli. Elísabet og Ragna tóku að sér að ræða þetta mál nánar og koma með tillögur á næsta fundi.

Ráðið ræddi einnig um efnisorðin Boðskipti, Samskipti og Tjáskipti. Ragna og Elísabet tóku að sér að skoða þessi orð og koma með umfangslýsingar og tillögur um notkun á næsta fund.

Rætt var um að æskilegt væri að stefna á sumarbústaðarferð þar sem ein helgi yrði lögð undir efnisorðavinnuna, ekki veitir af. Lýst var eftir sumarbústað með nettengingu og ætluðu meðlimir ráðsins að athuga málin.

Fundi slitið um 11.30.

Næsti fundur vað boðaður miðvikudaginn 13. desember kl. 13.30

Efnisorðaráð 45. fundur

Haldinn í Þórshamri við Templarasund 13. desember kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Gengið var í að fá netfang Elísabetar leiðrétt á pósthfangi ráðsins efnisordarad@landskerfi.is og Sveinbjörg framkvæmdastjóri Landskerfis kippti því í lag á meðan á fundi stóð.

Ákveðið var að gefa ekki út breytingar á lykli nema fyrir þau efnisorð sem búið væri að virkja með upd Y og vinna í Gegni.

Tekin var ákvörðun um að taka efnisorðið Boðskipti upp í lykli og vísa úr Tjáskipti yfir í boðskipti. Þetta er þó gert með fyrirvara og Elísabet tekur að sér að fara yfir efnisorðin samskipti og boðskipti í Gegni.

Fjallað var um tvö erindi til Efnisorðaráðs:

- Erindi Önnu Kristínar Stefánsdóttur, Háskólanum í Reykjavík frá 12. des. og 10. okt. 2006 um Talningarfræði, Tengslanet og Bútaaðferðina. Öll efnisorðin voru samþykkt, en Bútaaðferðin verður án greinis í lyklinum skv. staðli = Bútaaðferð.
- Erindi Ólafar Benediktsdóttur, Stofnun Árna Magnússonar í íslenskum fræðum, frá 8. des. 2006 um Bóksögu, Prentsögu, Handritalýsingar, Þjóðsagnafræði, Þjóðvísur/Þjóðkvæði og Litúrgíu.
Efnisorðið Bóksögu þarf að skoða þar sem skilningur Ólafar á orðinu er ekki sá sami og skilningur íslenskrar orðabókar.
Tillögu um Prentsögu var hafnað þar sem orðið Prentlistasaga er til í lyklinum.
Virkaðar verða tilvísanir milli þessara orða.
Handritalýsingar þarf að skoða betur, en fundarmenn hölluðust að því að Lýsingar handrita, sem fyrir er í lyklinum væri betra.
Þjóðsagnafræði, Þjóðkvæði og Litúrgía var tekið upp í lykilinn. Gera þarf tilvísun á milli Þjóðvísur og Þjóðkvæði. Elísabet og Ragna taka að sér að fara yfir Þjóðvísur, Þjóðlög og Þjóðkvæði. Elísabet tekur að sér að fara yfir færslur þar sem Litúrgía á heima sem efnisorð.

Guðný tekur að sér að senda allar fundargerðir þessa hausts til meðlima ráðsins, og halda utan um svör við tillögum í tölvupósti sínum.

Þórdís tekur að sér að senda breytingar á lyklinum til ráðsins svo þær geti fylgt hverri fundargerð.

Fundi var slitið um 16:10. Næsti fundur var ákveðin 3. janúar 2007 kl. 13:30 í Þórshamri við Templarasund.

Efnisorðaráð 46. fundur

Haldinn í Þórshamri við Templarasund 3. janúar 2007 kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

1. Ragna greindi frá því að hún hafi setið fund með stjórn Landskerfis bókasafna og rökstutt erindi efnisorðaráðs m.a. um nauðsyn þess að fá launaðan starfsmann í að vinna í efnisorðum. Var erindinu vel tekið en eftir er að afgreiða það formlega. Setja þarf vinnuramma fyrir hugsanlegan starfsmann. Fjárveiting myndi væntanlega fást fyrir starfsmann í hálfu starfi í tvö ár og myndi sú fjárveiting fara til Landsbókasafns – Háskólabókasafns. Ekki var afgreiddur sá hluti erindisins sem laut að launum fyrir fundarsetu í efnisorðaráði.
2. Ragna kynnti einnig minnisblað frá fundi hennar og Sveinbjargar Sveinsdóttur framkvæmdastjóra Landskerfis bókasafna um forgangsröðun vinnu hjá starfsmanni efnisorða og vinnu efnisorðaráðs.
3. Rætt var um nafnmyndaskrá: Efnisorðaráð ákvað að setja nafnmyndaskrá í forgang í vinnu sinni. Elísabet tekur að sér að fara í gegnum nafnmyndaskrána og leiðrétt og ef upp koma vafaatriði verður það borið undir fund efnisorðaráðs. Efnisorðaráð sinnir erindum um 693 sviðið jöfnum höndum.
4. Eldri fundargerðir voru skoðaðar og athuguð atriði sem hugsanlega standa útaf. Rætt var um boðskipti og samskipti en fyrri ákvörðun látin standa. Einnig var rætt um

sýningar og endanlega ákveðið að nota samsett orð. Ragna tekur að sér að svara erindi Berglindar í LHÍ um málið (frá 5. okt. 2006) þar sem erindið barst henni. Í framhaldi af því var rætt um orðin stóðhesta og kynbótahross. Kynbótahross var tekið upp sem ÞH undir Hestar og kynbótamat sett in sem vikorð.

5. Skoðað var skjal með eldri erindum sem Elísabet hafði sent til ráðsins undir heitinu "Tillögur um ný efnisorð send efnisorðaráði 2005-2006. Í því var tillaga um efnisorðin heildræn meðferð og heildræn hjúkrun sem voru tekin upp í lykilinn. Einnig var skoðað erindi um starfssamfélag/starfssamfélög í merkingunni communities of practice. Þetta þarf að athuga betur áður en nýtt orð er tekið upp.

Einnig var rætt um tillögu um efnisorðið sjálfbærni. Nefndarmenn komust að því að Íslensk málstöð kýs að nota orðið sjálfbæri. Engin ákvörðun var tekin en Elísabet og Ragna taka að sér að skoða sjálfbæri, sjálfbæra þróun og tengd heiti fyrir næsta fund.

Guðný tekur að sér að færa athugasemdir inn í skjalið, halda því við og senda fundarkonum.

Fundi slitið um 16:15. Guðný boðar næsta fund fimmtudaginn 18. janúar kl. 13.30.

Efnisorðaráð 47. fundur

Haldinn í Þórshamri við Templarasund 18. janúar 2007 kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Haldið var áfram að vinna í tillögum úr skjali með eldri erindum „Tillögur um ný efnisorð sem efnisorðaráði 2005-2006“ og vafaatriðum.

1. Félagsfærni / félagshæfni. Heitið Félagsfærni tekið upp í lykilinn
2. Mikið var rætt um prófritgerðir og lokaverkefni, t.d. um hvort taka ætti upp kóðun, lyklu eða láta athugasemdasviðið duga. Samþykkt var að taka upp nokkur efnisorð skv. skjali sem Þórdís heldur utan um en bíða með að ákvarða orðanotkun varðandi magisters- og Cand Mag ritgerðir.
3. Ákveðið að Guðný athugaði hvað „single licence“ fyrir MultiTes kostaði.
4. Elísabet tekur að sér að fara yfir Norður heimsskautið og samræma.
5. Efnisorðið Frumbyggjalist samþykkt.
6. Efnisorðin Upplýsingahegðun og Upplýsingaþarfir tekin upp. Elísabet fer í gegnum þessi orð sem og Heimildaleitir og leiðréttir eftir því sem við á. Athuga þarf orð eins og Upplýsingaöryggi, Upplýsingaleynd og önnur orð tengd upplýsingum.
7. Efnisorðið Heilsuefning tekið upp. Ath. þarf Heilsufar og tengd orð. Elísabet og Ragna skoða.

8. Rætt var um efnisorðin Matstæki og Matstækni. Umræðu var frestað.

Fundi slitið um kl 15.45. Næsti fundur boðaður miðvikudaginn 14. febrúar kl. 13.30.

Efnisorðaráð 48. fundur

Haldinn í Þórshamri við Templarasund 20. febrúar 2007 kl. 09.15

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet var veik.

1. Tekinn var upp þráðurinn frá síðasta fundi og rætt um Matstæki og Matstækni. Ákveðið var að taka bæði orðin upp sem valorð. Þarf að fara í gegnum efnisorðið Mat, sem margar færslur bera og Mat með svigagreiningu og breyta í eitt eða fleiri af þessu þrennu: Matstækni, Matstæki eða Gæðamat.
2. Tekið var upp valorðið Sameining Þýskalands 1990.
3. Haldið var áfram að fara yfir skjal með eldri erindum. Rætt var um Stjórnsýslurétt og Stjórnarfarsrétt. Ákveðið var að gera efnisorðið Stjórnsýsluréttur að valorði í stað Stjórnarfarsréttar.
4. Rætt var um efnisorðatillöguna Vitvísindi. Fundarmenn áttuðu sig ekki á muninum á gervigreind og vitvísindum og afgreiðslu málsins var frestað.
5. Efnisorðið Jaðarbyggðir var tekið upp sem valorð. Orðið er til í 690.
6. Rætt var um efnisorðið Fyrning á mismunandi sviðum lögfræði. Tekin voru upp efnisorðin Fyrning krafna, Fyrning saka og Fyrning refsinga. Fara þarf í gegnum efnisorðið Fyrning og leiðréttá með tilliti til þessarar ákvörðunar.

Fundi slitið upp úr kl. 11.00

Næsti fundur var ákveðinn mánudaginn 5. mars 2007 kl. 13.30 í Þórshamri við Templarasund.

Efnisorðaráð 49. fundur

Haldinn í Þórshamri við Templarasund 5. mars 2007 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.

Haldið var áfram að fjalla um efnisorð í samantektarskjali um eldri erindi. Ákvarðanir voru jafnóðum færðar inn í það skjal, sem og skjalið um viðbætur og breytingar á lyklinum sem Þórdís heldur utan um.

1. Rætt var um tillögu að nýju efnisorði Gildagrunnur. Hugmyndin fékk ekki hljómgrunn. Fundarmönnum þótti efnisorðið Grunnildi betur við hæfi, en ekki var tekin ákvörðun um að taka það orð upp.
2. Rætt var um tillögu að orðinu Vitnavernd. Það var samþykkt og í framhaldinu var fjallað um orðin Vitnaleiðslur sem fyrir var í lyklinum og Vitni sem var tekið upp í

lykilinn.

3. Efnisorðið Sæmdarglæpur var tekið upp í stað Sæmdarmorða og Heiðursmorða.
4. Fjallað var um efnisorð á sviði leiklistar samkvæmt tillögum. Tekin voru upp orðin Leiklistarfræði og Leiklistarsaga. Fara þarf í gegnum Leikhússaga og breyta aðallega í Leiklistarsaga, þó þarf að skoða færslurnar.
5. Fjallað var um efnisorðið Miðhálandið og það samþykkt inn í lykilinn sem nýtt efnisorð. Fara þarf í gegnum Hálandi Íslands og greiða í sundur færslur, þar sem margt af því ætti að fara undir Miðhálandið.
6. Fjallað var um efnisorðið Friðlönd og skilgreiningar á því, borið saman við lög nr. 44/1999 um náttúruvernd og vef Umhverfisstofnunar. Ragna ætlar að hafa samband við Kristínu Aðalsteinsdóttur hjá UST sem kom með tillögum og fá nánari skýringar.

Fundi slitið um 16.30. Næsti fundur boðaður með fyrirvara miðvikudaginn 21. mars kl. 13.30 í Þórshamri við Templarasund.

Efnisorðaráð 50. fundur

Haldinn í Þórshamri við Templarasund 22. mars 2007 kl. 09.30

Fundarmenn: Elísabet Halldórsdóttir, Guðný Ragnarsdóttir, Ragna Steinarsdóttir og Þórdís T. Þórarinsdóttir.

Unnið var í orðum á lista sem Elísabet kom með. Á listanum voru efnisorð og vafaatriði sem Elísabet hefur rekist á við vinnu sína í Gegni.

1. Tekið var upp efnisorðið Áreiðanleikakannanir, sem stendur m.a. fyrir Due diligence VH Rekstrarhagfræði.
2. Tekið var upp efnisorðið Fréttaöflun VH Fjölmiðlun.
3. Tekið var upp efnisorðið Sjálfbæri í stað Sjálfbær þróun. Hentugra þótti að nota Sjálfbæri frekar en Sjálfbærni þar sem Íslensk málstöð gefur það upp sem rétt hugtak. Elísabet tekur út samsett heiti með Sjálfbær.
4. Tekið var upp efnisorðið Þjónustusamningar VH Samningar.
5. Tekið var upp samsetta efnisorðið Gagnrýnin hugsun VH Hugsun.
6. Rætt var um efnisorðin Gagnrýnin uppeldisfræði (Critical pedagogy) og Heildstæð móðurmálskenntla. Það seinna getur sennilega staðið fyrir LEA – Language experience approach og/eða Whole language approach. Ragna tók að sér að kanna skilgreiningar á þessum orðum hjá KHÍ.
7. Ragna tekur að sér að setja heitið Bókverk í nafnmyndaskrá (er í lykli).
8. Efnisorðið Messuhandbækur tekið upp. VH Guðsþjónustur SH Helgisiðir.

9. Rætt var um efnisorðin Hegðun og Atferli (er í lykli). Elísabet tekur að sér að taka út samsett orð með hegðun t.d. Hegðun fugla og Hegðun dýra.
10. Tekið var upp efnisorðið Afskriftir VH Eignarréttur.

Fundi slitið 11.30. Næsti fundur boðaður í Þórshamri við Templarasund 15. maí kl. 13.00

Efnisorðaráð 51. fundur

Haldinn í Þórshamri við Templarasund 29. maí 2007 kl. 13.30

Fundarmenn: Elísabet Halldórsdóttir, Guðný Ragnarsdóttir, Ragna Steinarsdóttir og Þórdís T. Þórarinsdóttir.

1. Rætt var um efnisorðin Heilbrigðiskerfi og Heilbrigðisþjónusta og ákveðið var að taka þau upp í lykilinn VH Heilbrigðismál. Sennilega er mikið um að efni sé lyklað með efnisorðinu Heilbrigðismál í Gegni og ætti frekar heima undir öðru hvoru eða báðum þessara heita. Ákveðið að biðja Sóleyju um að fara í gegnum Heilbrigðismál með þetta í huga.
2. Í framhaldi af þessu spunnust umræður um Þjónustuþbúðir og önnur búsetuform aldraðra og fatlaðra t.d. dvalarheimili, hjúkrunarheimili, sambylí o.s.frv. Ákveðið var að breyta stigveldinu taka upp safnheitið Búsetuform sem VH fyrir þau og heitið Þjónustuþbúðir tekið upp sem nýtt heiti í lykli. Ragna lagar stigveldi í nafnmyndaskrá.
3. Skv. tillögu frá Elísabetu var tekið upp efnisorðið Daður VH Samskipti kynjanna og heitið Skyndikynni var einnig tekið upp sem nýtt efnisorð VH Kynhegðun.
4. Heitið Hnappar tekið upp VH Klæðnaður. Heitið Tölur (hnappar) gert að vikorði
5. Fjallað var um tillögur að breytingum á efnisorðalykli frá vinnuhóp um skráningu á blönduðu efni. Fundarmenn voru ekki sammála öllum tillögum hópsins t.d. um skipan í stigveldi o.fl. Auk þess voru tillögur um heiti sem þegar eru í lyklinum. Ekki tókst að ljúka umfjöllun um tillögurnar og verður þeirri umfjöllun framhaldið á næsta fundi en eftirfarandi heiti voru tekin upp.
 - a. Námsspil tekið upp VH Spil
 - b. Þorskaleikföng tekið upp VH Leikföng. Í framhaldi af því spunnust umræður um Þorskaleiki sem var tekið upp VH Leikir.
 - c. Fjallað var um tillögur að efnisorðunum Skrift, Bókstafir og Tölustafir. Þetta var rætt í tengslum við Letur og leturgerðir. Fundarmönnum fannst gæta misskilnings um merkingu þessara orða í tillögum hópsins, t.d. var samdóma álit að Tölustafir ætti frekar heima undir skriftinni en Tölur. Efnisorðið Tölur er þegar til í lyklinum. Elísabet ætlaði að skoða þessi mál m.a. með tilliti til Leturgerða (typografíu).
 - d. Efnisorðið Lögum hluta var samþykkt sem nýtt efnisorð.

Á næsta fundi ráðsins verður fjallað um sorp og úrgang auk þess sem áfram verður fjallað um tillögur vinnuhóps um blandað efni. Fundi slitið rúmlega 16.00. Næsti fundur var ákveðinn í Þórshamri við Templarasund 12. júní kl. 13.30.

Efnisorðaráð 52. fundur

Haldinn í Þórshamri við Templarasund 12. júní 2007 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.
Elísabet Halldórsdóttir boðaði forföll.

1. Haldið var áfram að fjalla um tillögur að breytingum á efnisorðalykli frá vinnuhóp um skráningu á blönduðu efni.
 - a) Fjallað var um tillögu að efnisorðinu tréleikföng og var því hafnað
 - b) Efnisorðið minnispil VH Spil NF samstæðuspil var tekið upp SH Þroskaleikföng Rætt var um taflborð, skákborð og taflmenn. Samþykkt var að taka upp efnisorðið Tafl (taflborð og – menn)
VH SKÁK
SH SPIL
NF taflborð
NF taflmenn
NF skákborð
2. Rætt var um tillögur frá Kristínu Aðalsteinsdóttur hjá Umhverfisstofnun frá 21. des. 2006 og 8. maí 2007 um Sorp og úrgang annars vegar og Meðhöndlun / Meðferð úrgangs og sorpvinnslu hinsvegar.
Samþykkt var breyta stigveldi og bæta við efnisorðum sem hér segir:
 - a) Umhverfismál
ÞH Úrgangur (UL Notað um hverskyns hluti eða efni sem einstaklingar eða lögaðilar losa sig við)
 ÞH Lífrænn úrgangur (sem var fyrir í KE) (UL Notað um úrgang sem er niðurbryótanlegur af örverum)
 ÞH Sorp
 - b) Samþykkt var að vísa frá meðferð/meðhöndlun úrgangs til efnisorðsins SORPVINNSLA sem kemur oft upp í leit og er væntanlega meira notað af almenningi - færslurnar munu finnast undir öllum þessum leitarorðum þar sem vísað verður á milli.
Kristínu var sendur tölvupóstur um niðurstöðuna.
3. Þetta var síðasti fundur vetrarstarfsins. Ákveðið var að næsti fundur yrði í Þórshamri við Templarasund 28. ágúst kl. 13.30. Þórdís gerir heildarlista yfir vetrarstarfið sem og uppfærslu á breytingum við KE og sendir meðlimum ráðsins og Sveinbjörgu Sveinsdóttur til að setja á vef Landskerfis og Guðný sendir allar fundargerðir til Sveinbjargar í sama tilgangi. Fundi slitið um kl. 16.00.